

Datganiad Prosesu Teg Refeniw

Beth sy'n digwydd i'r wybodaeth sy'n cael ei chadw amdanoch chi? Eich hawliau a'n rhwymedigaethau i chi.

Y Ffordd Rydym yn Defnyddio Data Personol

Mae'r ddogfen hon yn egluro'r ffordd y mae Adran Gyllid Cyngor Bwrdeistref Sirol Pen-y-bont ar Ogwr sy'n cynnwys y Dreth Gyngor, Ardrethi Annomestig ac Incwm Amrywiol yn cadw, yn defnyddio, yn datgelu ac yn cael gafael ar wybodaeth am bobl (eu data personol), y camau rydym yn eu cymryd er mwyn sicrhau ei bod yn cael ei diogelu, ac mae'n disgrifio'r hawliau sydd gan unigolion mewn perthynas â'u data personol hefyd.

Caiff defnyddio a datgelu data personol ei lywodraethu gan Ddeddf Diogelu Data 2018 a'r Rheoliad Cyffredinol ar Ddiogelu Data 2016. Felly mae yna rwymedigaeth ar CBSP i sicrhau ei fod yn ymdrin â phob data personol yn unol â'r ddeddfwriaeth.

Mae CBSP yn cymryd y cyfrifoldeb hwnnw o ddifrif ac yn cymryd cryn ofal i sicrhau yr ymdrinnir â data personol yn briodol er mwyn gwarchod a chynnal ymddiriedaeth a hyder unigolion yn y Cyngor.

Dan y ddeddfwriaeth mae'n ofynnol i CBSP fod â sail gyfreithiol dros brosesu data personol yn ddibynnol ar y gwasanaeth a ddarperir.

1. Pam ydym yn ymdrin â data personol?

Bydd y Cyngor yn casglu, prosesu a storio gwybodaeth bersonol amdanoch chi ac aelodau eich aelwyd er mwyn ei alluogi i wneud y canlynol;

- Cynnal cronfeydd data y dreth gyngor ac ardrethi annomestig er mwyn casglu cymaint ohoni â phosibl yn ogystal â chasglu cymaint â phosibl o anfonebau sy'n ddyledus i'r cyngor.
- Dyfarnu'r holl ostyngiadau cymwys ar gyfer y Dreth Gyngor gan gynnwys disgowntiau, diystyriadau ac eithriadau.
- Darparu'r holl ryddhadau cymwys i fusnesau yn cynnwys rhyddhadau elusennol gorfodol ac yn ôl disgrisiwn.
- Cynnal ei ymrwymiad cyfreithiol i gymryd camau dilynol pan fo pobl heb dalu'r dreth gyngor ac ardrethi annomestig a dyledion anfonebau sydd heb eu talu.
- Cymryd rhan mewn ymarferion cyfateb data ar gyfer mentrau twyll lleol a chenedlaethol
- Cymryd rhan mewn atal troseddau fel twyll
- Helpu i atal troseddau ac erlyn troseddwyr
- Rheoli cofnodion wedi'u harchifo
- Cynnal dadansoddiad a gwaith ymchwil a allai helpu Llywodraeth Cymru i bennu gostyngiadau/rhyddhadau ychwanegol yn y dyfodol.
- Cynnal ymarferion cyfateb data dan fentrau twyll lleol a chenedlaethol

Pan fyddwch yn darparu gwybodaeth am aelodau o'r aelwyd, rydym yn tybio eich bod yn gwneud hynny gyda'u gwybodaeth a'u caniatâd llawn.

2. Pa fath/dosbarth o ddata personol rydym yn ymdrin ag ef?

Er mwyn cyflawni'r dibenion a ddisgrifir dan adran 1 uchod, gall CBSP gael gafael ar ddata personol, ei ddefnyddio, a'i ddatgelu gan gynnwys y canlynol:

- Manylion personol
- Manylion teuluol – Perthnasau, gwarchodwyr neu unigolion eraill sy'n gysylltiedig â'r unigolyn mewn perthynas â rheoli arian y bobl hynny
- Manylion ariannol
- Tenantiaeth a gwybodaeth am eiddo
- Manylion landlord
- Manylion cyflogaeth ac addysg
- Cofnodion myfyrwyr a disgyblion
- Gweithgareddau busnes
- Gwybodaeth am anabledd a chyflyrau iechyd/meddygol.

Bydd CBSP ond yn defnyddio data personol priodol ac angenrheidiol er mwyn cyflawni diben neu ddibenion penodol. Gall data personol gynnwys gwybodaeth a gedwir ar gyfrifiadur, mewn cofnod papur h.y. ffeil, fel delweddau, ond gall gynnwys mathau eraill o wybodaeth a gedwir yn electronig e.e. delweddau teledu cylch cyfyng.

3. Gwybodaeth am bwy gaiff ei phrosesu

Er mwyn cyflawni'r dibenion a ddisgrifir dan adran 1 uchod, gall CBSP gael gafael ar ddata personol, ei ddefnyddio a'i ddatgelu gan gynnwys y canlynol:

- Cwsmeriaid yn cynnwys Talwyr y Dreth Gyngor ac Ardrethi Busnes
- Talwyr
- Derbynebaw
- Hawlwyr
- Pobl sy'n cwyno neu'n ymholi neu eu cynrychiolwyr
- Staff, unigolion sydd wedi'u contractio i ddarparu gwasanaeth
- Cynghorwyr
- Myfyrwyr a disgyblion
- Landlordiaid
- Gofalwyr neu gynrychiolwyr
- Cynrychiolwyr sefydliadau eraill

4. O ble rydym yn cael data personol?

Er mwyn cyflawni'r dibenion a ddisgrifir dan adran 1 uchod, gall CBSP gael gafael ar ddata personol o amrywiaeth eang o ffynonellau, gan gynnwys y canlynol:

- Talwyr y Dreth Gyngor;
- Asiantau Tai/Asiantaethau Gosod Tai/Asiantau Rheoli;
- Landlordiaid cyfredol/blaenorol
- Cymdeithasau tai a landlordiaid

- Asiantau Gorfodi;
- Perchnogion Busnes
- Cynrychiolwyr cyfreithiol;
- Cyfreithwyr;
- Llysoedd a thribiwnlysoedd
- Carchardai
- Sefydliadau'r sector gwirfoddol;
- Sefydliadau cymeradwy a phobl sy'n gweithio gyda'r Cyngor;
- Yr unigolion eu hunain;
- Perthnasau, gwarchodwyr neu unigolion eraill sy'n gysylltiedig â'r unigolyn;
- Myfyrwyr a disgyblion yn cynnwys eu perthnasau, gwarchodwyr, gofalwyr neu gynrychiolwyr
- Sefydliadau addysg a hyfforddiant;
- Cynghorwyr/asiantau proffesiynol
- Gweithwyr cyflogedig ac asiantau CBSP;
- Cynghorwyr Cyngor Bwrdeistref Sirol Pen-y-bont ar Ogwr
- Unigolion sy'n gwneud ymholiad neu gŵyn;
- Yr Adran Gwaith a Phensiynau
- Tŷ'r Cwmnïau
- Cwmnïau ymchwil sy'n darparu gwybodaeth sydd ar gael yn gyfreithiol o'r rhyngwrwyd;
- Proseswyr Data sy'n gweithio ar ran CBSP
- Asiantaethau gorfodi'r gyfraith;
- Archwilwyr
- Asiantaethau gwirio credyd, gan gynnwys Experian
- Ymgynghorwyr meddygol a meddygon teulu;
- Ombwdsman ac awdurdodau rheoleiddio;
- Llywodraeth leol a chanolog
- Gwybodaeth ar gael i bawb ar y rhyngwrwyd;
- Adrannau eraill y Cyngor a/neu Gyngorau eraill
- Y cyfryngau

Gall CBSP gael gafael ar ddata personol o ffynonellau eraill hefyd fel ei systemau teledu cylch cyfyng ei hun, neu ohebiaeth.

5. Sut ydym yn ymdrin â data personol?

Er mwyn cyflawni'r dibenion a ddisgrifir dan adran 1, bydd CBSP yn ymdrin â data personol yn unol â deddfwriaeth diogelu data. Yn benodol, byddwn yn sicrhau bod data personol yn cael ei drin yn deg ac yn gyfreithlon gyda chyfiawnhad priodol. Byddwn yn ymdrechu i sicrhau bod unrhyw ddata personol a ddefnyddir gennym neu ar ein rhan o'r safon uchaf o ran cywirdeb, perthnasedd, ei fod yn ddigonol, yn gyfredol yn ôl y gofyn ac nad yw'n ormodol, a'i fod yn cael ei ddiogelu'n briodol, a'i adolygu, ei gadw a'i ddinistrio'n ddiogel pan nad oes ei angen rhagor.

6. Sut rydym yn sicrhau diogelwch data personol?

Mae CBSP yn ystyried diogelwch yr holl ddata personol dan ein rheolaeth o ddifrif. Byddwn yn sicrhau bod polisi, hyfforddiant, mesurau technegol a gweithdrefnol priodol ar waith, gan gynnwys monitro archwiliadau a gonestrwydd, er mwyn diogelu ein systemau gwybodaeth â

llaw a'n systemau gwybodaeth electronig o ganlyniad i golli data neu gamddefnydd ohono, a byddwn ond yn caniatáu mynediad atynt pan fo rheswm dilys dros wneud hynny, ac yn unol â chanllawiau caeth o ran y defnydd a wneir o bosibl o unrhyw ddata personol sydd wedi'i gynnwys ynddynt. Mae'r gweithdrefnau hyn yn cael eu rheoli a'u gwella'n barhaus er mwyn sicrhau diogelwch cyfredol,.

7. I bwy rydym yn datgelu data personol?

Weithiau mae angen i ni rannu gwybodaeth gyda'r unigolion rydym yn prosesu gwybodaeth amdanynt a sefydliadau eraill. Pan fo angen, mae'n ofynnol i ni gydymffurfio â phob agwedd ar y ddeddfwriaeth. Mae'r hyn sy'n dilyn yn ddisgrifiad o'r mathau o sefydliadau y gallem fod angen rhannu rhywfaint o'r wybodaeth bersonol rydym yn ei phrosesu am un neu ragor o resymau gyda nhw:

- Cwsmeriaid
- Teulu, cymdeithion neu gynrychiolwyr yr unigolyn rydym yn prosesu data personol amdano
- Cyflogwyr cyfredol neu gyn-gyflogwyr
- Landlordiaid cyfredol, cyn-landlordiaid a darpar landlordiaid
- Yr Adran Gwaith a Phensiynau
- Cyllid a Thollau Ei Mawrhydi
- Asiantaethau/Asiantau Gorfodi.
- Asiantaeth y Swyddfa Brisio
- Gwasanaeth Tribiwnlys Prisio
- Adrannau eraill y Cyngor a/neu Gynghorau eraill
- Adran Tai y Cyngor at ddibenion cael Tai Gwag yn ôl mewn defnydd
- Cynghorwyr ac ymgynghorwyr proffesiynol
- Myfyrwyr a disgyblion yn cynnwys eu perthnasau, gwarchodwyr, gofalwyr neu gynrychiolwyr
- Y Swyddfa Ystadegau Gwladol
- Yr Heddlu
- Proseswyr data
- Llysoedd a thribiwnlysoedd
- Carchardai
- Llywodraeth Cymru a llywodraeth ganolog
- Ombwdsman a gwasanaethau rheoleiddio
- Asiantaeth fewnfudo
- Sefydliadau gwirfoddol ac elusenol
- Asiantaethau gwirio credyd, gan gynnwys Experian
- Sefydliadau addysgol
- Asiantaethau partner, sefydliadau ac unigolion cymeradwy sy'n cydweithio â'r heddlu
- Awdurdodau gorfodi ac erlyn y gyfraith
- Mentrau twyll lleol a chenedlaethol
- Cynrychiolwyr cyfreithiol, cyfreithwyr amddiffyn
- Bargyfreithiwr
- Archwilwyr
- Unrhyw sefydliad y gallai Llywodraeth Cymru fod wedi'i gomisiynu i gynnal gwaith ymchwil ar ei rhan

8. Beth yw'r sail gyfreithiol dros ddefnyddio'r wybodaeth hon?

Dan ddeddfwriaeth diogelu data, caniateir i ni ddefnyddio a rhannu gwybodaeth bersonol dim ond pan fo gennym reswm priodol a chyfreithiol dros wneud hynny. Y sail gyfreithiol i ni ddefnyddio eich gwybodaeth yw er mwyn bodloni ein hymrwymiad gyfreithiol dan ddeddfwriaeth y Dreth Gyngor ac Ardrethi Busnes, ac i gyflawni ein dyletswyddau cyngor. O dro i dro, efallai y byddwn yn gofyn i chi am eich caniatâd penodol i ddefnyddio eich gwybodaeth.

9. Beth yw eich hawliau mewn perthynas â'ch data personol y mae CBSP yn ymdrin ag ef?

Mae gan unigolion hawliau amrywiol:

Hawl mynediad

Gallwch gael copi, yn amodol ar eithriadau, o'r data personol y mae'r Cyngor yn ei gadw. Mae copi o'r ffurflen gais ar gael ar ein gwefan:

<https://www.bridgend.gov.uk/cy/fy-nghyngor/rhyddid-gwybodaeth/diogelu-data/>

Mae gennych hawl i gael cadarnhad hefyd o ran a yw'r data amdanoch chi yn cael ei brosesu gan y Cyngor. Pan fo hynny'n digwydd, mae gennych hawl i'r wybodaeth ganlynol yn amodol ar eithriadau:

- Dibenion prosesu a'r sail gyfreithiol dros wneud hynny
- Y categorïau data personol dan sylw
- Y bobl y datgelwyd y data personol iddynt
- Y cyfnod y rhagwelir y bydd y data personol yn cael ei storio
- Cyfathrebu'r data personol sy'n cael ei brosesu ac unrhyw wybodaeth sydd ar gael a'i tharddiad.

**Nodwch fod 'prosesu' yn golygu cyflawni gweithred neu gyfres o weithredoedd ar ddata personol fel casglu, cofnodi, trefnu, strwythuro, storio, addasu, newid, diddymu, cyfyngu neu adfer.*

Gall fod angen tystiolaeth o hunaniaeth ac unrhyw wybodaeth bellach angenrheidiol i ganfod y wybodaeth cyn y gall y Cyngor gydymffurfio â'ch cais.

Dylid anfon unrhyw gais am y wybodaeth uchod yn ysgrifenedig at y Swyddog Diogelu Data a bydd y Cyngor yn ymateb o fewn mis.

Cywiro data

Gallwch wneud cais i'r Cyngor gywiro data personol anghywir amdanoch chi. Os yw'r data yn anghywir oherwydd ei fod yn anghyflawn, mae'n rhaid i'r Cyngor ei gwblhau os ydych chi'n ei wneud yn ofynnol iddo wneud hynny.

Dylid gwneud cais yn ysgrifenedig at y Swyddog Diogelu Data a bydd ymateb yn cael ei anfon o fewn mis.

Dileu neu gyfyngu data personol

Gallwch wneud cais i'r Cyngor ddileu eich data neu gyfyngu ar y broses o'i drosglwyddo, yn amodol ar eithriadau.

Dylid anfon yr holl geisiadau at y Swyddog Diogelu Data. Yna bydd y Cyngor yn eich hysbysu a yw'r cais wedi'i ganiatáu ac a yw wedi cael ei wrthod, a'r rhesymau dros wrthod.

Yr hawl i beidio â bod yn destun penderfyniadau awtomatig.

Mae gennych yr hawl, yn amodol ar eithriadau, i beidio â bod yn destun penderfyniad pan fydd yn cael ei brosesu'n awtomatig ac yn creu effaith gyfreithiol neu effaith sylweddol debyg arnoch chi. Mae gennych hawl i fynegi eich barn a chael eglurhad gan y Cyngor o'i benderfyniad a'i herio. Fodd bynnag, dylid nodi nad yw'r hawl hwn yn berthnasol i'r holl benderfyniadau gan fod yna eithriadau, er enghraifft, awdurdodi yn ôl y gyfraith, cyflawni contract yr ydych yn rhan ohono.

10. Am ba hyd y mae CBSP yn cadw data personol?

Mae CBSP yn cadw data personol am y cyfnod sy'n angenrheidiol at y diben penodol neu at ddibenion sy'n cyd-fynd â Pholisi Cadw Data'r Cyngor.

11. Cysylltu â Ni

Gall unrhyw unigolyn sydd â phryderon ynglŷn â'r ffordd y mae CBSP yn ymdrin â'u data personol gysylltu â'r Swyddog Diogelu Data yn y Cyngor isod:

Cyngor Bwrdeistref Sirol Pen-y-bont ar Ogwr, Swyddfa Gwybodaeth, Swyddfeydd Dinesig, Stryd yr Angel, Pen-y-bont ar Ogwr, CF31 4WB.

E-bost foi@bridgend.llyw.du

Ffôn 01656 643565

Gallwch godi pryderon gyda'r Comisiynydd Gwybodaeth hefyd. Mae'r Comisiynydd Gwybodaeth ar gael yn:

Swyddfa'r Comisiynydd Gwybodaeth – Cymru

2il Lawr

Tŷ Churchill

Heol Churchill

Caerdydd

CF10 2HH

Ffôn: 02920 678400 Ffacs: 02920 678399

E-bost: wales@ico.org.uk

Gwefan: <https://ico.org.uk/>